

տարագն նոցա , միայն պատարագէին 'ի վերայ Հրեշտակի վիմին ամիսս 8 . եւ դեգերեալ 'ի դրունս մեծամեծաց բազումս աշխատ եղեն , մինչեւ առին հրովարտակ արքունուստ . բայց ոչ որպէս կամէինն , միայն զԳերեզմանն կարացին մտանել եւ պատարագել :

Իսկ 'ի սմին ժամանակի 'ի բաց թողեալ զառաջին բարեկամութիւնն դարձան յատելութիւն , գրգռէին նաեւ ըզ-Յոյնս ընդդէմ Հայոց : Վասն զի 'ի տարածել Հայոց զսրբառոցն յատակս եկեղեցւոյն Բեթղեհէմի , ցուցին նոցա ճանապարհ յետուստ կողմանէ , եւ առ այն չյօժարէին բնաւ , զի մի լիցին ընդ իշխանութեամբ Հայոց , եւ բռնադատէին զնոսա բառնալ զայն եւ բանալ զճանապարհն , եւ այսպէս մախալով եւ քրտմնջելով անցանէին ժամանակս ինչ : Եւ զի Փոխանորդ նոցին Ֆրա Մանուէլ ունէր բարեկամութիւն ընդ Թէոդորոս Պատրիարքի , զի բազում անգամ գտեալ էր դրամական օգնութիւն 'ի նմանէ : Եւ եղեւ 'ի մեկնիլ նորա յԵգիպտոս 'ի խնդիր դրամոց , զի էին 'ի մեծի նեղութեան : Միաբանք նոցին 'ի Բեթղեհէմ սկսան յուղել զլուիւ : Գնացին առ Լատինս Լուսարար Սիմէոն վարդապետ եւ Դիոնէսիոս՝ խօսիլ ընդ նոսա 'ի վերայ այսր խընդրոյ , բայց Փոխանորդ նոցին սկսաւ վարկ ընդ նոսա խըրոխտ բարկութեամբ եւ սրտմոռութեամբ եւ խնդրել զհրովարտակն տեսանել թէ զինչ իցէ գրեալ 'ի նմա , եւ թէ Լատինք պայմանաւ վարին ընդ Յոյնս 'ի Բեթղեհէմ . եւ հիւսիսային դուռն Այրին իցէ սեփական նոցա , զոր Հայք իւրացուցին պատկերաւ եւ կանթեղիւ , եւ զճանապարհն խափանեցին , եւ այլ սոցին նման բանք : Տեսեալ վարդապետաց զմեծաբանութիւնս նոցին , ասեն՝ գտանել զհրովարտակն 'ի Դատարանի եւ ընթեռնուլ զայն , եւ գնալ 'ի Բեթղեհէմ եւ տնօրինել զխնդիրն , այլ նա պնդէր բանալ զճանապարհն : Հայք ոչ ընկալեալ զխնդիր նորին մեկնեցան անտի , եւ ազդ արարին Դատաւորին , իսկ 'ի Բեթղեհէմ Տեսուչ եւ Լուսարար նոցին ժողովեալ զգիւղական զինեալ Ֆելլահս բռնութեամբ եւ կռուով բառնան զսրբառոցն , եւ եղեգամբ չափեալ ցուցանեն թողուլ զայնքան տեղի բաց , զի 'ի Թափօրս եւ 'ի Պատարագի 3 Դահանայք 'ի մի կարգ երթիցեն յԱյրն , եւ այս ճանապարհ լինէր առաջի